


Lutherus in Corlaui

Inscriptio = uoluntatis de dominio
Vocandi missae p[er] p[er]p[etuum]

Das hauptstück des Ewigenn vnd neuen testaments | von

dem hochwyrdigenn Sacrament beyder
gestalt/ fleysch vnd blut Christi/ zeichen
vnd zcusag/ die er vns ynn den selben
gethan hat. Gepredigt am grunen
Do:enstag zu Wittenberg durch

D. Martinum Luther.



Ihesus

Nement hynn vnnnd essent. das ist
meyn leyb. der fur euch gegeben wirt.
Nement hynn vnd tryncket alle sampt
darauf. das ist der kelch des neuen
vnnnd ewygen testaments ynn mey-
nem blut. das fur euch vñ fur vil ver-
gossen wirt. zu vergebung der sund.

In diesen Worten werden vns yecz yñ einer Summa
zwey ding furgehalten vnd geben/ als zusag vnd zeych-
en/ die wort gehoren yñ die Dren/ die zeychen ynn den
mundt/ vnd es ist vil mer ann den wortten odder ver-
heyffung gelegen dan ann den zeychen/ dan des zeych-
ens kunnen wir entberen/ der wortt Konnen wir aber
nicht geratten. Dan der glawbe kan on gotlich wort
nicht bestehen/ als versprechung/ vnd zeychen ist vns
eyn schein vnd schucz trost/ vnd gewisse zuuersicht vn-
ser seligkeyt gegeben. Als wen man yemants versich-
ern wil/ gibt man ym zuuersicherung brieff vnd sigel.
Also thut hie vnser herz Ihesus Chrus vns auch/ das
wir ye gewisz sollen sein/ vnd vns nit furchten vor sun-
de/ todt/ teuffel vnnnd helle/ sezt er seyn leyb vnnnd bluet

A ij

fur vnns/ widder welches todt/ sund/ teuffel noch hell
nichts vermogenn/vnnd das soll fur vns steen. Laß se-
hen wer wil vns thun/oder was kann vns schaden/so
wir nur das glawbenn.

Darumb gibt er vns seyn wortt vnd zeychen/seynn
wortt seynd vns als ein brieff/seyn zeichen aber als cyn/
Sigel oder Pitschier das wir ye nit zweiffelen sollenn
sonder das wir dardurch ym glawben gesterckt wer-
den/ym der hoffnung bestetiget/vnd yn der liebe erhicz
et. Das geschicht aber wen wirs wordē sind ym zurbe-
stetigung vnd stercke dises glawbens. Gehen wir hin
vnnd empfangen das zeychen darczu/darumb wer zcu
diesem hochwirdigen Sacrament wil gehen/der sehe
zu/das er diese wort mit bring/das er glawbe der leib
Christi sey fur ym gegeben/ vnd seyn blut sey fur ym ver-
gossen/sunst ist ym die entpfabung des Sacraments
schedlich.

Derhalben hab ich gesagt/das man mer achtung
hab auff die wort/dan auff das zeychen. Darumb sol
man auch die wort meer treyben/ leren/ vnd predigen
auch vben/den dz zeychen. Die trostlich zusag müssen
wir nit auß vnserm herzen lassen/sond yn allen nottē
daran gedencen. Sunderlich ym todt das wir sprech
en mogen.

Ich glawb das Christus seynn leyb vnnd blut fur
mein funde gegeben hat/das mir wider Teuffel noch
todt schaden kan/den er hatt gesagt. Nym hyn das ist
mein leyb der fur dich geben ist/vnd das ist mein blut
das fur dich vergossen ist zu vergebung der sund/ das

seynt
er di
gest
seynt
trost
mir
en d

hell
fen
mit

eynt
Da
nur
sie s
auch
er h
nen
gew
wer
Ch
es u

wa
wa
ann
nit

seynd seyn wort darauff verlassē ich mich. Darczu hat
er diese seyne wort bestetigt/ yñ dem das er darauff
gestorben ist/ vnd vns zu eyne zeychen vnd bestetigung
seyner wort hat er mir seyn leyb vnd blut gegeben/ des
trost ich mich/ darumb wil ich seyn fleisch vnd blut zu
mir nemen/ das ich des gewisz sey/ vnd meyn glawb
en daran sterck.

Wer solchen glawben hat dem ist Teuffel/ todt vñ
hell/ vnd alles was yñ anfechten mag auff einen hauf
fen auffgehobenn/ der glawbe wircket es auch alles
miteinander.

Allye sehenn wir auch das Christus beide gestalt
eyngesetzt hat/ als leyb vñ bluet. Darumb wan vnser
Papisten mich fragen würdē. Ja beyde gestalt seynd
nur den priestern gegeben. So sprich du neyn/ werden
sie sprechen/ hat er sie dann den Leyen gegeben. sprich
auch/ neyn/ ye wem hatt ers dan gegeben. So sprich/
er hats wider priestern noch leyen gegeben/ sonder sey
nen Christen/ dan diese secte ist yñ den Christen nicht
gewesen alleyn die papisten habē sich auffgericht/ sie
werdens auch nyt beweyfenn auß der geschriffte das
Christus die Aposteln zu priestern geweyhet hat/ dan
es ist eyttell troem on alle geschriffte vnd grundt.

Das Euangelium sol yñ aller welt predigt werde/
wan ist der fell? nit am Euangelio das es recht vñ
warhafftig/ nuczlich vñnd selicklich ist. Es feelt aber
ann leutten die darczu dauglich sind/ wann mann die
nit hat/ ist es besser geschwiegen dan predigt/ wan es
A iij

wirt doch gefelcht vñ schendtlich gepredigt. Also hie
auch das Sacrament vñnd der vorgesagt brauch ist
recht vnd gut/aber wo synd die leut/die darzu dang
lich seynd/das sye es an fahen vñ treiben/ich hab dar
nach gestrebt/vnd wolt gern/das auch des Babst ge
sacz abthann were/vom verlichen entpfahen des Sa
craments am O sterfest/vnd frey cynem yeglichen ge
lassen wurd/das er auß eygnem gewissen vnd auß hū
ger seyner seel vngewungen hynzucyngte/ damit der
greulich vnchristlich mißbrauch vñ Gottes lesterung
weniger wurde/vnd hynfur kaum cyner hinzugieng/
da ycz vil hundert zugehen. So sihe ich das der Sa
thann damit vmb gehet/ er woll beyder gestalt ya so
gemein machen/vnd noch gemeiner dann der Babst
sein eingestalt gemacht hat/ehe dan Christē gemacht
werden/die solchs thun sollen/vnd gedēcks auff der
rechten seyten erger zumachen dann auff der lincken/
Wann ist vns nott/das wir auff der mittel strassen
bleyben/wann der Sathan sucht vns mit ernst.

Magister Janke
vñ da

Eyn Christen sol wissen/das auff erden keyn groß
fers heyltumb ist dan Gottes wort/dan auch das Sa
crament selbs durch Gottes wort gemacht vnd gebe
nedeyet/vnd geheyliget wirt/vñnd wir alle auch dar
durch geystlich geporn vñ zu Christen geweyhet wer
den/so dan eyn Christ das wort/das alle ding heyligt
vnd hoher ist dan das sacrament/ souil man das mit
henden greiffen kan/dannocht beyde mit mund/oren
herzen/ya mit ganzem leyb begreiffet/wie solt er dā
mit durffen/auch solchs angreiffen/das damit geheil

Ant gtrig summa
ar

liget
er ist
der w
Abat
der
And
fund
bs m
mal
gen
solten

Ge
sey
der le
des h
ding
am
des
cram
dies
ob ei
kecz
vñnd
eynn

liget ist/ oder sol er sich selbst auch nit angreifen/wā
er ist eben so woll geheyligt als das Sacrament? mit
der weysz keimen die Pharisceer/ daruō Christus sagt
Mathei. xiiij. Das sie das gold heyliger machten dan
der Tempel/vnd das opffer heyliger dann den altar.
Vnd ist eben als wan man anfeng zu lernen/es were
sund des kelchs furtter anzururen/ aber den Kelch selb
bs mocht mann wol angreifen. Ich wolt gern cynn
mal eyn stuck von den Papiisten horen/ das sie fur le
gen kunden/on sunderliche grosse narheyt/aber was
solten sie anders thun/ die Got selber richtē vñ lestern

Eynn Christen mensch ist heylig an leyb vnd seel/er
sey Ley oder Pfaff/man oder weyb. Wer anders sagt
der lestert den heyligenn Tauff/ Christus bluēt/vnnd
des heyligen geysts gnad. Es ist eyn grosz vñ selczam
ding vmb cynnen Christen/ vnd gott mer ann ym/dan
am Sacrament gelegen ist/wan der Christ ist nit vmb
des Sacraments willenn gemacht. Sonder das Sa/
crament vmb des Christen willenn/ eyngesetzt/vnnd
diesze blynde kopff/ wollen aller erst noch disputiren/
ob er das Sacrament mug angreifen. Ja wollen ein
keczerey darausz machenn/ auß mit den verstocktenn
vnnd verblendten heyden/die so gar nit wissenn/was
eynn Christ heyst oder sey. Gott erlosz vns von yhnen

A B C N.


so hie
ach ist
daug
dar?
bst ge
s Sa/
en ge/
uß hū
it der
erung
zieng/
r Sa/
t ya so
Babst
macht
ff der
cken/
rassen

grosz
s Sa
gebe
dar/
t wer
eyligt
s mit
voren
er dā
geheil

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.





Adversus arm.
tum. p. m.
Kochlein.

986

Georgs-B.



o o
Aduersus
Cocleium

Georg 986



56.

Das hauptstück des Ewigenn vnd neuen testaments | von

dem hochwyrdigenn Sacrament beyder
gestalt/ fleysch vnd blut Christi/ zeichen
vnd zcusag/ die er vns ynn den selben
gethan hat. Gepredigt am grunen
Dorntag zu Wittenberg durch

D. Martinum Luther.

